

Chaarro Kelly lo encabeza lista di partido ADN

ORANJESTAD(AAN)- ADN durante un di su reciente reunionnan di conseho di partido a concretiza diferente plan pa e periodo venidero te cu 6 di Januari 1989. E punto mas importante durante e ultimo reunion cu a tuma lugar siman

pasa, ta e aceptacion y eleccion unanime di e presidente di ADN sr. pedro "Charro" Kelly como candidato cu lo encabeza e lista di ADN. Ademas a tuma decisionnan tocante un fecha concreto pa A.D.N. start su campaña politico.

Boy Simon, lider di partido PPA

ORANJESTAD(AAN)- Siman pasa partido PPA a tuma lagun decision dentro di e proceso di e eleccion cu ta dilanti porta, esta 6 di Januari 1988.

Conseho di partido PPA a nombra como lider di campaña sr. GV (Boy) Simon. Sr. Simon ta miembro di PPA desde fundacion di e partido. Durante varios campaña el a asisti diferente lider. Su nombramento tabata unanimamente

PPA a dicidi di encarga su directiva diario cu ta consisti di srs. Pedro Koolman, Boy Simon y B. Nisbet cu e tarea di formula lista di PPA, mientras Presidente di Partido PPA, sr. B. Nisbet a haya e encargo pa ta esun cu lo entrega lista di PPA na hoofdstembureau.

Tambe a worde instala diferente comision, di Finanzas, etc. pa por guia e partido durante e dianan cu tin.

Relaciona cu e eleccion pa miembronan di Staten ariba 6 di Januari 1989, ADN ta studiando e rol importante cu ADN mester tuma pa cuida y ensancha e base economico di Aruba.

Pa ADN locual cu AVP ta opina cu pasobra cu Staten no ta reflehá e representatividad legitimo di e ultimo eleccion, mester disolve Staten y pone eleccion nobo,, e hecho aki ta parce cu awor numa e gobierno di AVP a lanta for di un soño invernal, pasobra entre e fecha di Juni 1987 te cu 18 di October 1988 no tabata tin ningun re-movimiento den e coalicion di diezun, es decir 7 di AVP y 4 independiente.

Segun ADN desde cu ADN a bandona gobernacion, e tempo ey caba ta existi e situacion di

un coalicion di diezun. Esnan cu durante e ultimo 15 lunanan a sigui e desaroyonan ariba e tereno financiero, e tereno financiero-economico, e tereno medico y social, ta yega na e conclusion tristo cu e maneho di Gabinete Eman a faya barbaremente.

Door di pone eleccion awor, segun ADN gobierno y partido AVP kier salba nan mes di e proyectonan casi insuperabel cu eventualmente por sali di e hecho, si acaso un di e proyectonan garantiza cu placa di pueblo fracasa; di e reacion di e pueblo ariba e manera inhumano cu gobierno Eman ta cobrando e pueblo impuestonan atrasa; di e reaccion dramático di e pueblo ariba e medidanan financiero cu casi tur seguridad gobierno mester bay tuma, despues di eleccion;

di e promesanan fofo y falso di gobierno pa yuda e pueblo di San Nicolas y ; di e binimiento di e ministro Hulandes, sr. Jan de Koning otro aña pa delibera ariba independencia.

ADN ta reta e lider di AVP, sr. Henny Eman pa bisa e pueblo awor aki, promer cu eleccion, cu e gobierno nobo na 1989 no ta bay tuma ningun medida financiero cu lo bay afecta den uniforma pisa e presupuestonan, pues e potmonen den cada hogar Arubano. Pero no un contesta manera e engaño di lider di AVP, sr. Henny Eman para na pomp di gasolin na television.

ADN pronto lo presenta un lista cu Arubianonan integro y capaz y dispuesto pa traha pa un "Aruba prospero y feliz" y ta convenci di ta merecedor di e confianza di e pueblo di Aruba.